

A-A Reversa

(M.Morini - M.Bosso)

Chi stemmo anando inderè,
tutto sbagliou o mondo l'è
pensemmo a un moddo poi a testa a vâ da un'atra parte.
Ciù travaggemmo e ciù,
o conto in banca o va zù,
chi gh'è quarcosa che in questi tempi no funsionna.

Costruimmo macchine che sempre ciù forte van,
ma poi se femmo de oue in cò.â.
Locomotive che viaggian comme missili,
ma poi che no arrian mai.

A-a reversa a l'è quande tutto va inderè,
o mondo va a-o contraio mentre drito tì ti vœ.
A-a reversa a l'è perché tutto va inderè,
ciù ti preuvi a vive mëgio e pezo ti ti stæ.

Ne dixan de dimagrì,
ma poi t'ammii a TV,
ti veddi solo reclam de roba da mangià.

O sport dovieva servì
pè tutti i popoli unì
e invece poi se finisce sempre a rattellà.

A separà a rumenta te convinçan
poi a lascian lì a marçì in scia-a stradda.
Se ti vœ in banca pè domandàghe un prestito,
se no ti n'è no te ne dan.

A-a reversa a l'è quande tutto va inderè,
o mondo va a-o contraio mentre drito tì ti vœ.
A-a reversa a l'è perché tutto va inderè,
ciù ti preuvi a vive mëgio e pezo ti ti stæ.

Costruimmo macchine che sempre ciù forte van
ma poi se femmo de oue in coa.
Se ti vœ in banca pe domandàghe un prestito,
se no ti n'è no te ne dan.